

majestatem divinam læsisse, ac jura Dei majesticam violasse censendus sit.

§. 4. Vides itaque imperium Dei in homines esse summum & absolutissimum, quod tamen cum *Hobbessio* non eo velis extendere, quasi *DEUS* possit vi imperii absoluti efficere, ut homines innocentes sub statu multum pejore sine culpa collocentur, & juste omnibus doloribus affigantur. etenim imperium divinum, quamvis absolutissimum, est tamen justum, justitia autem Dei non permittit, ut ejus potentia benignitatem destruat, sed ut amicabili quodam nexu in omni opere conjunctæ conspiciantur.

Pars Specialis.

exhibens

DEI CULTUM.

§. 1.

Hactenus pro ingenii modulo, quod sit Deus & quibus gaudeat perfectionibus, satis perspicue & solide demonstravimus, restat, ut paucis addamus, quomodo creaturæ rationales erga Deum tantis perfectionibus instructum se gereere debeant, quæque sint hominum erga ipsum officia. Et sic in parte hac tractamus doctrinam de cultu Dei s. pietate.

§. 2. Per cultum intelligimus modum actiones nostras alterius voluntati attemperandi, ut ideo ipsi fiamus grati, ipsiusque favorem nobis conciliemus.

§. 3.